

四庫全書

史部

欽定四庫全書

史部

欽定大清會典則例卷五十六

詳校官檢討臣劉 炘

編修臣程嘉謨覆勘

總校官原任中允臣王燕緒

校對官中書臣潘奕雋

謄錄監生臣符國琛

欽定四庫全書

欽定大清會典則例卷五十六

禮部

儀制清吏司

嘉禮

朝會一

一

御殿受朝天聰年間定元日行朝賀禮○崇德元年

定元日進慶賀表箋長至

萬壽聖節進表慶賀與元日同惟長至不設燕○又定每月初五十五二十五日

皇帝御殿聽政○順治八年定元日長至

萬壽聖節為三大節○又定歲遇三大節在外直省文武官均設香案朝服望

闕行禮與京朝官同○九年定每月初五十五二十五日

皇帝御殿文武百官上朝

一臨朝章服崇德元年定元日前三日起至第九日止上元節十四日起至十六日止各官咸朝服○順治二年定元日前後七日王公百官咸朝服○十一年題準上元前後三日王公百官朝服不理刑名不辦事遇有要務仍辦理○

康熙十年議準凡過應具朝服補服日奏事官咸朝服補服違者本部指叅○十二年議準官

員宜具朝服日而服不如制者罰俸一月○十
四年題準每月常朝日

御殿行禮後羣臣入

內奏事止具補服如不

御殿仍具朝服其應具補服之日咸補服○二十二
年題準

萬壽聖節前後七日羣臣咸朝服不理刑名照常辦
事○五十二年奏每年三月十八日恭逢

萬壽聖節王以下文武百官朝服七日在

暢春園蟒袍補服但今歲恭逢

皇帝六十大慶非尋常可比應自三月初一日起至月
終咸朝服蟒袍補服後每遇十年照此例行奉
旨著自初一日至二十日○乾隆元年

諭嗣後御門聽政若遇逢五朝期各官咸補服奏事
不必用朝服永著為令

一陳設崇德八年定元日陳設鹵簿長至

萬壽聖節同○順治元年

定鼎燕京

御皇極門

今太和門

受羣臣朝鴻臚寺設

御座於皇極門正中設表案於門東檐下○九年定

大朝常朝鑾儀衛陳鹵簿於

太和殿前陳步輦於

太和門外陳大駕於

午門外陳馴象於大駕之南陳仗馬於丹墀中道

左右均東西相嚮○乾隆六年奉

旨太和殿內所設筆硯案著於東邊居中安設御殿
之日若有表則移案於西設表案於東若無表仍
於東邊居中安設

一樂懸崇德元年定元日慶賀奏樂長至

萬壽聖節亦如之○順治八年定大朝常朝教坊司
設中和韶樂於

太和殿東西檐下設丹陛大樂於

太和門內均北嚮○康熙八年定

皇帝御座大朝奏元平之章常朝奏隆平之章

還宮大朝奏和平之章常朝奏顯平之章均用中和

韶樂王公百官行禮奏慶平之章外藩使臣行

禮奏治平之章均用丹陛大樂大朝常朝同○

二十二年題準長至

御座改奏遂平之章

還宮改奏允平之章

萬壽聖節

御座改奏乾平之章

還宮改奏太平之章餘如前

一班位順治十八年定親王世子郡王長子貝勒貝子入八分鎮國公輔國公等在丹陛上序立○康熙元年題準凡典禮上朝及常朝齊集不入八分公民公侯伯鎮國將軍都統子尚書第一班輔國將軍護軍統領副都統前鋒統領

侍郎男步軍翼尉大九卿第二班奉國將軍一
等侍衛護衛叅領輕車都尉步軍協尉小九卿
郎中第三班奉恩將軍二等侍衛護衛騎都尉
佐領員外郎科道官第四班三等侍衛護衛雲
騎尉鳴贊官主事步軍尉第五班護軍校驍騎
校筆帖式第六班其次各照職銜不論加級違
者察出送部議處○十六年題準每朝期及大
朝齊集滿官公侯伯鎮國將軍都統尚書左都

御史子及凡一品官第一班輔國將軍護軍統領前鋒統領步軍統領副都統侍郎學士左副都御史通政使司通政使大理寺卿詹事府詹事男及凡二品官第二班奉國將軍步軍翼尉長史叅領一等待衛護衛太常寺卿太僕寺卿光祿寺卿祭酒通政使司副使大理寺少卿少詹事侍讀學士侍講學士侍讀侍講庶子洗馬鴻臚寺卿理事官郎中給事中監察御史太常

寺少卿太僕寺少卿輕車都尉及凡三品官第
三班奉恩將軍步軍協尉佐領司儀長二等待
衛護衛欽天監正內閣侍讀司業光祿寺少卿
鴻臚寺少卿通政使司叅議中允員外郎騎都
尉及凡四品官第四班三等待衛護衛雲騎尉
步軍尉贊善欽天監副太常寺丞主事大理寺
正光祿寺署正都察院經歷及凡五品官第五
班護軍校驍騎校通政使司知事大理寺評事

鳴贊司務司庫等各職掌官及六品筆帖式第
六班七品官及七品筆帖式第七班八品官八
品筆帖式第八班九品官第九班漢官尚書左
都御史第一班侍郎學士左副都御史宗人府
府丞通政使大理寺卿詹事第二班太常寺卿
順天府尹太僕寺卿光祿寺卿通政使司副使
大理寺少卿少詹事讀講學士祭酒庶子侍讀
侍講洗馬太常寺少卿鴻臚寺卿太僕寺少卿

順天府丞第三班通政使司叅議大理寺丞中
允贊善司業光祿寺少卿鴻臚寺少卿修撰編
修檢討庶吉士給事中御史吏部司官五部郎
中第四班五部員外郎宗人府經歷順天府治
中欽天監正太醫院使光祿寺丞第五班五部
主事都察院經歷都事理藩院判大理寺正欽
天監副太醫院判太常寺丞京府通判京縣知
縣兵馬司指揮欽天監五官正鴻臚寺丞大理

寺副光祿寺署正第六班大理寺評事太常寺
博士中書科中書內閣典籍撰文中書辦事中
書各部司務大理寺司務通政使司經歷太常
寺典簿京縣丞兵馬司副指揮鑾儀衛經歷詹
事府主簿正字錄事翰林院典簿待詔京衛經
歷欽天監五官靈臺郎祠祭署奉祀等官第七
班五經博士國子監丞博士典簿助教學正學
錄典籍理藩院知事欽天監主簿五官保章正

太醫院御醫太常寺協律郎等八品官第八班
理藩院副使太常寺贊禮郎鴻臚寺鳴贊等九
品官第九班武職叅將游擊在三班守備等官
在四班千總等官在五班隨旗上朝官照在部
院衙門職掌品級其降級上朝官照所降品級
部院衙門官有兼銜則從其銜之大者倘有不
遵序次者由吏部禮部科道題叅議處八旗官
由都統送部叅處如該管官徇情不察送者一

并議處○二十二年題準直省行慶賀禮將軍

總督加將軍銜提督為一班巡撫副都統提督

加左右都督銜

乾隆十八年裁加銜

總兵官為二班加都

督同知以下銜總兵官協領叅領巡鹽御史織

造郎中督關郎中布政使按察使各道為三班

佐領督關員外郎知府副將叅將為四班防禦

督關主事司庫同知通判游擊都司為五班驍

騎校知州知縣守備為六班有品級筆帖式有

品級庫使經歷州同州判縣丞千總等官為七
班滿洲蒙古漢軍官分兩翼漢官分文武西
○雍正二年覆準漢官照八旗官分左右兩班
將吏禮刑三部宗人府通政使司翰林院詹事
府太常寺光祿寺鴻臚寺國子監吏科禮科刑
科內閣中書欽天監太醫院分為左班將戶兵
工三部都察院大理寺鑾儀衛太僕寺四譯館
中書科戶科兵科工科行人司

乾隆十年
三年裁順天府

大興縣宛平縣五城兵馬司三營為右班均立於鑾駕之末聽贊唱依次排班行禮○六年定盛京文武各官朝賀照在京文武官品級序定班次○乾隆二年覆準以吏戶禮翰詹通政等衙門為左班兵刑工都察院大理寺等衙門為右班○六年奏準行在恭遇

萬壽聖節羣臣行禮班位王公大臣在網城內三品以下官在網城外○七年覆準外省文官自督

撫以下道府以上武官自將軍都統以下協領副將以上或入

覲來都或奉調在京者如遇

皇帝御殿之日各於吏兵二部先期報名咨送禮部都察院鴻臚寺或有事故不能行禮亦報明填注至期投遞職名一例入班行禮總督加尚書銜者列於六部尚書之末巡撫加侍郎銜者列侍郎之末加副都御史銜者列副都御史之末

布按二司列小九卿之末道府列部郎之末將
軍都統提督列都統之末副都統總兵官列副
都統之末協領副將等官列叅領之末○十一
年覆準六科班次隨六部分列左右吏科戶科
禮科在左班兵科刑科工科在右班○十七年
覆準百官朝班舊例以文官無一品故尚書以
下班皆越品今尚書侍郎已升一二品各官應
皆依品列序毋許越次參差內惟少詹事翰林

院侍讀侍講學士仍列三班庶子侍讀侍講國
子監祭酒司經局洗馬改列四班中允贊善司
業修撰編修檢討庶吉士改列五班其京營武
職朝班及外省提鎮等官來京遇事入朝請照
康熙二十二年所定直省武職望

闕行禮班位提督二班總兵官三班副將叅將四
班游擊五班守備六班千總等官七班均附列
於右翼各班之末

一侍班順治年間定大朝常朝以內閣大學士
學士翰林院掌院學士讀講學士詹事府詹事
少詹事都察院左都御史左副都御史及記注
官滿漢各一人侍班○雍正元年定記注官用
滿漢各二人

一執事引王公鴻臚寺官二人引百官鴻臚寺
官序班各二人引外國使臣鴻臚寺官二人贊
禮鳴贊官四人宣表官一人傳鳴鞭鑾儀衛官

六人○乾隆十年奏準行在恭遇

萬壽聖節行禮照在京例設鳴贊官贊禮

一糾儀順治九年定

皇帝御殿設禮部司官四人於王公行禮處吏部禮部司官各四人於百官行禮處糾儀○十四年題準朝期入班後有越次拱揖聚談慢易不恭者糾儀官題叅○十五年題準朝班各官有言語喧譁附耳交談或背面坐立及無故踰越

御道者糾儀及引禮官指名題叅○康熙二十年題
準

皇帝御殿設滿御史二人於

殿檐下設滿御史東西各二人於王公行禮處設

滿御史東西各二人漢御史東西各二人於百

官行禮處侍立糾儀其常朝及八旗上朝坐班

之日班首以滿漢御史各一人班末以滿漢御

史各一人吏部禮部亦委滿漢司官監視如有

越次私語或互相背坐及先自起散者指名題
叅知而不糾者議處○雍正二年覆準常朝日
遣侍衛四人監視如有坐立越班跪拜失儀御
史指與侍衛即指名拏叅交刑部治罪稽察不
嚴者議處○八年議準外官朝賀設糾儀官省
會用道員一人如無道員用府同知一人外府
用同知一人如無同知用通判如無同知通判
用教官一人州縣均用教官一人屆期糾儀官

黎明先至文武各官行禮時糾儀官旁立監視
禮儀如有越次失儀及違誤不到者糾儀官糾
報督撫指名題叅如有徇隱一并叅處○又定
盛京各官朝賀糾儀用

盛京禮部司官二人

一

賜坐順治九年定大朝常朝行禮畢

賜羣臣坐郡王以上進

殿內貝勒以下在丹陛上百官在丹墀內均照班
次跪行一叩禮坐

皇帝進茶王公百官均就坐次行一叩禮光祿寺執
事官授羣臣茶羣臣受茶就坐次行一叩禮飲
畢復行一叩禮○十二年題準凡朝期

皇帝御殿王以下公以上進

殿內兩旁序坐○十八年題準凡典禮上朝及常
朝王以下入八分公以上進

殿內序坐不入八分公以下文武官於原立位序
坐○乾隆二年奉

旨朕御太和殿向來大學士皆立於殿外檐下即於
殿外賜茶嗣後立位仍照舊例賜茶時令坐於殿
內領侍衛內大臣之上○八年奉

旨嗣後御殿及筵燕日殿內止大臣賜坐侍衛等均
著侍立不必賜坐賜茶時若侍衛輪流奉授不免
舛錯遺漏嗣後授茶時著禮部前期取應坐之王

公大臣數目每一人令侍衛一人授茶仍依次接
回庶奉授便捷亦不至舛錯遺漏其設燕日與燕
大臣衆多若授茶侍衛不敷著令親軍奉授○又

議準

御殿日除文官三品武官二品以上照舊

賜茶其四品以下官惟

殿內之記注官丹墀內之外國使臣

賜坐

賜茶其餘百官但

賜坐停止

賜茶○十五年奉

旨嗣後大學士坐次仍著在領侍衛內大臣之上協
辦大學士事務尚書著在領侍衛內大臣之下署
領侍衛內大臣之上

朝會二

一元日天聰六年元日

太宗文皇帝御篤恭殿受賀次日筵燕○順治八年題

準元日

皇帝率大臣侍衛等詣

皇太后宮行禮畢

御殿受賀○雍正七年奉

旨元日朝賀凡三品以上之大臣年逾七十者不必隨班行禮矣百官朝賀禮畢朕還宮後至乾清門行禮

一長至順治八年題準長至於次日

御殿王公百官上表慶賀行禮直省文武官進表慶
賀均如元日儀

一

萬壽聖節崇德元年定

聖節日

御殿進表慶賀儀與元日同○順治八年題準

聖節日

皇帝先謁

太廟行禮次詣

皇太后宮行禮畢

御殿受賀○康熙五十二年

聖祖仁皇帝六十萬壽聖節直省官員紳士耆庶均豫
期赴

闕自三月初一日為始分建龍棚自西直門至
暢春園相屬二十里恭祝

萬壽十七日

聖祖仁皇帝御輦陳鹵簿大駕由

暢春園進

宮王公內外臣民夾道分班跪迎是日遣官祇告

天

地

宗廟

社稷至日

御殿受賀啟

大清門中外臣工外藩王公使臣上表稱賀軍民
耆老皆準於

午門前行禮排班直至正陽門外是日頒

詔分遣官致祭

嶽鎮海瀆長白山

帝王陵寢

先師闕里○是月二十五日

賜燕廷臣及直省來京慶祝

萬壽臣民年六十五歲以上者於

暢春園

諭各省老人云書稱文王善養老孟子云七十者非帛
不煖非肉不飽帝王之治天下發政施仁未嘗不以
養老尊賢為首務近來士大夫動言移風易俗之效
驗而不暇講孝弟之本心朕因今日之會思孝弟之
念少輕而求移風易俗是其所厚者薄而薄者厚矣
若天下之人皆知孝弟為首重此端移風易俗之本

禮樂辭讓之根非淺鮮也昨日甘霖大沛四野霑足
朕心大悅爾等毋誤農時速回本地欽此○又

諭前旨載入上諭十六條內通行直省府州縣及凡有
土司之處於朔望並行宣講以廣教化欽此○又題

準嗣後

聖節日一月內不理刑名○又奏準每歲三月十八日
聖節百姓虔齋祝嘏止屠一日○雍正五年

諭朕今年五十前已屢有諭旨宣示諸臣不行慶賀之

禮昨督撫具奏皆稱今年進京慶祝萬壽朕思

聖祖仁皇帝久道化成聖德神功蟠天際地當年五十
聖壽之時尚未允行慶賀之典朕臨御以來時時有勵
精圖治之念又安海宇之心而實在善政善教可造
福於社稷蒼生者何事可以自信正當君臣交相儆
勉期於有成又安可為此粉飾之事以滋煩擾乎朕
之待下惟有一誠爾等事君果矢誠懇之念於隱微
寤寐之中尊君親上如詩書所載元后父母之誼豈

不勝於拜舞彤墀効稱觴祝嘏之儀節乎况一人具本奏請來京慶祝則衆人亦必效法具奏焉有天下將軍督撫提鎮皆離職守而來京慶祝之理諸臣既無全來之理而又各具本章多此陳奏即朕所切戒之具文假相也於吏治民生有何裨益而為乎外任諸臣皆不必具本奏請來京只照常年例行若因地方事務應來陛見者朕自別降諭旨其各省耆老等若有欲來京慶祝者著地方官切止之高年之人長

塗跋涉未免勞頓非朕體卹之意倘違朕意而來京
均不許奏聞朕亦不加恩賜伊等若果有感恩戴德
之忱何不訓誨子孫勸導鄉人使各為良善各務本
業而僕僕道路以為報効朝廷乎再各省地方若有
指稱萬壽建立經壇或聚梨園喧譁糜費者此皆生
事不安本分之徒誘惑愚人希圖財利尤宜嚴禁以
杜浮囂詐偽之風倘地方有司不行嚴禁經朕訪聞
定照欺罔之律治罪著將此通行各省轉飭各府州

縣咸使聞知欽此○乾隆五年

諭八月十三日為朕誕辰聞內外臣工以今年為朕三十萬壽之期欲行慶賀貢獻之禮朕甚不取今年春間外省督撫提臣中曾有請八月進京陛見朕批諭止之蓋朕年甫及壯不言慶賀且朕所望於內外臣工者總在實心實政為國家宣猷効力不在稱觥祝嘏之儀文著即傳諭內外臣工等仍照常年之例行若有在常例之外者悉皆停止欽

此

一常朝

國初定凡王以下各官升賞或因事沐

恩者於每月常朝日行謝

恩禮親王郡王貝勒貝子等謝

恩者皆啟奏進內行禮官員為有功升賞謝

恩者亦啟奏進內行禮其因事謝

恩者於

大清門外行禮如革職官不許具朝服行禮外藩
王貝勒貝子等及外藩官謝

恩均候常朝日行禮如遇要務即啟奏候

旨行禮凡王以下文武官升遷謝

恩行三跪九叩禮

賜銀幣等物謝

恩行二跪六叩禮

賜食謝

恩行一跪三叩禮凡賞賚謝

恩常服不贊○順治九年定八旗武官除元日元宵
聖節及常朝外每月初一初十二十日具公服於

午門外分翼坐班如遇

巡幸除朝期外每日於

午門外坐班用常服○又定王公大臣凡遇

恩賞均於每月常朝日進

內行禮在京文武各官辭朝見朝者於

殿前丹墀內行禮如是日不

御殿見辭等官不論品級大小均在

午門外行禮外藩王公台吉等來朝及喀爾喀等

進貢來使亦於常朝日行禮凡升賞謝

恩及辭朝見朝等官皆豫期報部具題遵

旨行禮○十年題準凡常朝日謝

恩見辭文武官四品以上

太和殿前行禮五品以下

午門外行禮均詳開職名及行禮緣由豫報鴻臚
寺呈部一并奏

聞○又定凡外藩來朝王以下公台吉等進貢來使
內有宜令速回者不拘朝期即引至

午門前行禮○十二年題準凡朝期王以下公以
上在

午門內朝房齊集○又定京官謝

恩者如遇

聖駕行幸候

回鑾日行禮吏兵二部推選及以公務來京者不必
守候即在

天安門外金水橋南行禮赴任○十四年題準凡
朝期各官有實在患病者本衙門知會鴻臚寺
如假托偷安鴻臚寺叅處○又定凡急選大選
並推升文武官於該衙門領憑後赴鴻臚寺投
遞報單遇朝期謝

恩辭朝如遇免朝即引至

午門前或

天安門外行禮有應速赴任者不拘朝期行禮即令赴任如鴻臚寺不收報單致赴任愆期者各官赴部呈明題叅○又定凡

頒詔及

冊封外藩屬國之奉使等官於

命下日親赴鴻臚寺投遞報單遇朝期行辭朝禮如

不過朝期該寺即引至

午門前行禮隨令起程○十八年題準凡典禮上朝及常朝親王以下入八分公以上在丹陛上行禮不入八分公以下於丹墀內行禮○又定常朝日有升級賞賜及京官外升外官來京應行禮者如遇

御殿不論品級皆令

殿前行禮如免朝於

午門外行禮○康熙十二年題準凡朝賀常朝及
接

駕送

駕日官員無故不到者皆罰俸一月詐稱上朝罰俸
一年捏供同上朝之官罰俸兩月其已注病而
不在家者罰俸一年○四十年議準凡朝期官
員有病者取具該堂官印文咨送如捏病保送
者罰俸三月將堂官一并議處○雍正二年覆

準

皇帝御殿日未明以前鴻臚寺官左右各二人引左
右翼官從兩掖門入各就本班坐鼓嚴威起立
聽唱贊由仗南引進依次排班行禮○乾隆二
年奏準每逢朝期除在

內廷行走大小官員外凡滿漢文武大小官均於
黎明齊集坐班如果有事故先期於朝單內聲
明至期都察院吏禮二部官稽察若有無故不

到者指名叅奏倘有徇隱一并叅奏議處仍知會步軍統領衙門每逢朝期曉鐘時即啟

正陽門俾各官早入朝班○三年覆準每月初一初二十日旗員坐班禮部兵部各委司官二人稽察以肅進退○又覆準文武月選官於選授之後吏兵二部開列名單先行知會鴻臚寺
俟領憑領劄十日之內鴻臚寺傳集演禮謝

恩四品以上如有逾期不到者鴻臚寺指名題叅四

品以下送吏兵二部察議彙奏○六年奏準每逢朝期八旗官員除有公事外不赴朝班者稽察御史會同該部將官員過少旗分察明緣由指叅交部察議○乾隆十七年覆準常朝坐班各部院寺堂官除實有事故不能到班者許於冊內聲明其餘即本署奏事仍留一人率屬就列毋庸曠闕違者叅處又坐班向無定時今定冬春以辰正夏秋以卯正至時糾儀官先出各

官依次列坐後時至者指叅禮部暨都察院堂
官東西各歸本班毋庸別立班次以歸畫一

一

御門聽政順治二年定凡題奏本章均由內院啟奏
請

旨下部覆奏施行。又定每日奏事吏戶禮兵工五
部輪流首奏刑部常列三班並令翰林科道同
奏事官齊進侍班記注。康熙十三年奏準各

部漢司官照滿司官例各隨堂官入奏。又覆
準凡

聽政日諸臣奏事齊集後左門外豫將報單交

乾清門直日侍衛班領臨入奏時侍衛引部院堂
官各率所屬依次而進其不奏事官不得擅入

○二十一年

諭諸臣奏事勞苦少展御門晷刻春夏以辰時三刻秋
冬以辰時五刻為期啟奏各官俾得從容入奏欽此

○五十七年定

聽政之日侍班翰林於啟奏折本時即退下○雍正

二年奉

旨吏部奏事著在各部院衙門之後○三年奉

旨每逢聽政於滿漢翰林院編修檢討內按俸以四人
侍班班在科道之上

一

朝門禁例

國初定

大清門

禁門左右翊門均令大臣侍衛護軍嚴加守衛稽
察出入

內門除直日人員外不許容留閒雜人大臣侍衛
等皆於

大清門朝夕齊集凡

禁門內外不許背坐不許於

御道上坐凡親王以下出入不得行

御道○又定王以下文武官入朝至下馬牌處下馬
停止儀仗親王郡王貝勒各隨護衛二人貝子
隨護衛一人其餘官員不許跟隨人役入朝

順治三年定親王入朝至

午門外下馬降輿○九年題準凡入朝除內大臣
護軍統領護軍叅領侍衛外其餘諸王暨公侯
伯大臣以下各部院衙門官員皆由

午門出入不許由

東華門

西華門

神武門出入

午門時親王隨護衛六人世子郡王五人貝勒四人貝子三人公二人人民公侯伯都統子護軍統領副都統尚書侍郎許隨一人其餘官員入

午門不許隨從。又定親王至

午門外郡王至

午門前兩配樓角下轎馬貝勒以下在

闕左右門外下馬牌處下馬○又定親王以下貝勒以上進

午門許隨護衛一人貝子以下不許隨進○十年題準漢大臣進

午門照九年所定滿大臣例許隨從一人○康熙元年題準親王以下公以上進

午門時隨從人數照順治九年例如至

御前止許隨護衛一人○六年題準親王郡王進

午門時止許隨護衛二人貝勒以下公以上許隨

一人○二十一年題準親王以下貝勒以上如

未滿十六歲者至

御前許隨護衛二人○又定親王以下暨文武官奉

召入朝許由

東華門等三門出入其諸王貝勒年未滿十五歲

者暨內閣翰林院詹事府官許由

東華門等三門出入○二十二年題準

聖駕出入及

陞殿上朝官隨從人役有喧譁擁擠者步軍尉等嚴

拏交各該衙門治罪○二十三年覆準

大內中路乃

鑾輿經行御道官民不得行走

午門內交與守門直班護軍叅領護軍校

午門外交與兵部

闕左右門

天安

大清等門交與直班步軍尉步軍

今五旗護軍
參領護軍

嚴

加察緝如有直行

御道者繫官交該部題叅議處繫兵民送刑部治罪
如直班官員兵丁徇情不舉被科道官糾叅者
該直班官兵一并究處○二十七年題準

禁地會議大臣不許嚮諸王跪語○六十一年十

二月奉

旨年老大臣皆

皇考舊用之人自午門外步行進內奏事甚為勞苦將
諸王暨六十五歲以上大臣列名具奏隨遵

旨開列具奏奉

旨凡許令乘馬之六十五歲以上大臣暨親王郡王皆
令乘馬由東華門入者至箭亭旁下馬由西華門入

者至內務府前下馬其有年雖未至六十五歲而所
管事務殷繁朕常召問者亦令乘馬○乾隆二年奏
準凡遇

皇帝臨朝聽政之期令護軍統領撥護軍於各

禁門及館閣門巷等處小心巡視環列侍衛除朝
服官許進

午門其餘不得肆行出入○又議準凡官員入
朝及在公署不許帶雨纓涼帽凡官員及直班護

軍等不許著大衫入

紫禁城○七年議準凡遇

皇帝恭祀大典扈從大臣應於

午門前乘騎者領侍衛內大臣撥親軍於

午門前備馬毋得臨期遲誤如僕從人等乘馬入

闕門雜沓馳驟者該管官即嚴拏治罪并將其主

叅處○十五年奉

肯定例惟諸王於紫禁城內乘馬今大臣中朕尚有

加恩令乘馬者嗣後在內貝子以上亦準於紫禁城內乘馬。○十八年奏準王公等進

午門隨從人仍照順治九年定例親王隨從六人
世子郡王五人長子貝勒四人貝子三人公二人
人進

太和門親王世子隨從三人郡王長子貝勒二人
貝子公一人

東華門西華門神武門除

內廷行走及直班有政務王公外不得任意行走
凡進

後左門景運門隆宗門親王世子隨從三人郡王
長子貝勒二人貝子公一人○二十二年奏

皇上陞殿丹墀班後

昭德門

貞度門階下東西增設滿漢御史各二人禮部司
官二人侍衛二人稽察如有失儀越班任意起

坐蹲踞者即指與侍衛立拏參處再

殿階備茶之侍衛人員及各執事人等並隨王公等護衛官員有立於階上正面者殊失體制令護軍統領委護軍參領於階上東西角分立毋許執事官員人等站立正面違者護軍參領即拏交監禮御史指名糾參奉

旨階上備茶尚茶人員務酌量足用委出不必多人再王公等隨從攜坐褥者於伊等護衛內每人只

準一人內監無許隨從將此交與直班護軍統領
等嚴行稽察違者即行叅奏

朝會三

一元日

皇太后宮朝賀順治八年題準元日設

皇太后儀駕及丹陛大樂

皇帝御禮服率王公大臣侍衛詣

皇太后宮行禮畢公主福晉以下都統尚書子命婦以

上詣

皇太后宮行禮○康熙八年題準元日

太皇太后儀駕中和韶樂全設

皇太后儀駕丹陛大樂全設

皇帝御禮服率王公以下內大臣侍衛暨都統尚書

子以上咸朝服先朝於

太皇太后宮畢次詣

皇太后宮行禮如儀次日

皇后御禮服率公主福晉以下都統尚書子命婦以
上咸朝服朝於

太皇太后宮畢次詣

皇太后宮行禮如儀○二十二年題準元旦

寧壽宮行禮諸王內大臣侍衛在

寧壽門外儀駕末文武百官在

午門外糾儀御史二人在

寧壽門外二人在儀駕末二人在

午門外監禮○六十一年十二月

諭羣臣奏請雍正元年元日詣

皇太后宮行慶賀禮奉

皇太后懿旨前皇帝登極鉅典攸關故勉從諸王大臣
所請今元年元日尚在

聖祖仁皇帝服制百日之內何忍即行慶典其遵
旨停止慶賀行禮欽此○乾隆元年

諭朕前降諭旨明年元日停止御殿受朝

皇太后前照常行禮今奏聞

皇太后蒙降

懿旨明年元日尚在

世宗憲皇帝服制二十七月之內皇帝既不受朝其王大臣赴慈寧宮行禮亦著停止欽此○二年奏準嗣後

午門外行禮增設御史四人在

午門外

闕左右門禁止各官從人不得擅入違者拏究治
罪其主議處○又奏準

長信門外二品以上官行禮設鳴贊二人

午門外各官行禮設鳴贊四人○十二年議準向
例凡遇慶賀大典

皇太后宮行禮公主福晉以下止及一品大臣命婦按
祭

先蠶壇二品大臣命婦皆與請嗣後凡遇慶典令二

品命婦亦入班行禮○十四年

諭朕閱禮部所進儀注朝賀

皇太后宮行禮之世爵官止列公侯伯子而男爵則未
之及蓋因男爵原繫二品向例惟一品大臣在長
信門前行禮後以人數過少增入侍郎副都統而
禮部所進儀注仍循前例不及男爵是五等之班
竟闕其一未為允協著一并增入欽此

一長至節

皇太后宮慶賀順治八年定長至次日

皇帝率羣臣詣

皇太后宮行禮儀與元日同惟不設燕○康熙八年定

長至次日

皇帝率王公以下大臣侍衛都統尚書子以上先朝

於

皇太后宮次詣

皇太后宮行禮

皇后率公主福晉以下都統尚書子命婦以上先朝
於

太皇太后宮次詣

皇太后宮行禮並與元日同

一

皇太后聖壽慶賀順治十四年題準

皇太后聖壽日

皇帝率內大臣侍衛內院禮部官詣

皇太后宮行禮與元日同○康熙九年題準

皇太后聖壽日

皇帝率王公羣臣行禮

皇后率公主福晉以下都統尚書子命婦以上行禮
均與元日同○三十九年

仁憲恪順誠惠純淑端禧皇太后六十聖壽王以下輔
國將軍以上民公侯伯子滿漢大學士內大臣
都統尚書左都御史護軍統領前鋒統領副都

統滿漢侍郎直省將軍總督巡撫提督總兵官
各恭進慶賀儀物陳於

午門外

聖祖仁皇帝率羣臣詣

寧壽宮行禮

妃

嬪暨公主福晉以下都統尚書子命婦以上詣

寧壽宮行禮如儀○四十九年

仁憲恪順誠惠純淑端禧皇太后七十聖壽各官恭進
慶賀儀物

聖祖仁皇帝率羣臣行禮

妃

嬪暨公主福晉以下詣

寧壽宮行禮與三十九年同。○乾隆二年奏

皇太后聖壽日

皇帝於

皇太后前進表儀注奉

旨每年用進表儀注凡遇大慶之年用宣表儀注○

五年

諭

皇太后萬壽聖誕普天同慶凡大小臣工咸服蟒袍七日不理刑名永著為例欽此○十六年

皇太后六十聖壽先期

皇上建

壽安宮為奉觴之所王公宗戚六部八旗卿寺各衙門直省督撫在京紳士耆老自高梁橋至

西華門豫設采棚樂劇恭祝

聖壽二十日

皇太后鑾輿自

暢春園進

宮

上御龍袍袞服乘騎前導王公大臣咸蟒袍補服滿

漢命婦咸采服各於祝

壽采棚前夾道跪迎

皇太后頒賜賞賚有差

皇太后還宮

上率

皇后

皇貴妃

貴妃

妃

嬪侍

皇太后於

壽安宮稱慶前後凡九日

上率王公大臣詣

慈寧宮恭上

崇慶慈宣康惠敦和裕壽皇太后徽號進

冊寶行禮

皇太后聖壽日

上率王公大臣侍衛詣

慈寧宮宣表行禮

皇后率

皇貴妃

貴妃

妃

嬪於

慈寧宮行禮均如儀。○是年奏準十一月二十五日

恭遇

皇太后六十聖壽自十四日起至二十八日止王公百

官咸蟒袍補服不理刑名。○又奏準恭遇

皇太后六十聖壽王以下公以上及內外大臣請照康

熙三十九年四十九年例各進獻儀物恭祝

聖壽奉

旨

皇太后懿旨停止進獻禮物欽此○又奏準

皇太后聖壽日凡大小官員之休致暨降革官赴

闕慶賀蒙

恩予品銜者許隨見任官入班行禮進士舉人貢生
並有頂帶官於

午門外生監者老於

天安門外各行禮

一元日

皇后宮慶賀康熙八年定元日設

孝誠仁皇后儀駕於

太和殿

時修
宮工尚
未竣

前設丹陛大樂於

中和殿前

皇后詣

太皇太后

皇太后宮行禮畢

御宮升座公主福晉以下縣君鎮國將軍夫人以上

民公侯伯以下都統尚書子命婦以上咸朝服
行慶賀禮○十年奏準設

皇后儀駕丹陛大樂於

坤寧宮前○雍正元年奉

旨皇后宮三大節朝賀埃三年後舉行

一長至節

皇后宮慶賀康熙八年定長至次日行禮與元日同

一

千秋節慶賀康熙十一年定

皇后千秋節儀駕樂器各陳設如儀

皇后率公主福晉以下都統尚書子命婦以上詣

太皇太后

皇太后宮行禮畢

還宮升座公主福晉以下行慶賀禮與元日同。雍

正六年題準

皇后千秋節王公百官咸蟒袍補服

欽定大清會典則例卷五十六

欽定四庫全書

史部

欽定大清會典則例卷五十八

詳校官檢討臣劉炘

編修臣程嘉謨覆勘

總校官原任中允臣王燕緒

校對官中書臣潘奕雋

校對官中書臣孫梅

謄錄監生臣符國琛

謄錄監生臣徐莊

欽定四庫全書

欽定大清會典則例卷五十七

禮部

儀制清吏司

登極

一

登極天命元年正月

太祖高皇帝即

皇帝位建元天命貝勒

國初貝勒視
今之親王

羣臣上

尊號曰

覆育列國英明皇帝八大臣出班跪進賀表侍臣接表

宣讀

太祖高皇帝率貝勒羣臣告

天行三跪九拜禮畢

御寶座貝勒大臣各率本旗官員行慶賀禮○天命十

一年九月

太宗文皇帝嗣

皇帝位是日鹵簿大駕全設

太宗文皇帝率貝勒羣臣告

天行三跪九拜禮畢

御寶座貝勒羣臣慶賀行三跪九叩禮是日頒

詔大赦○天聰十年四月建

國號曰大清改元崇德和碩貝勒羣臣上

徽號曰

寬溫仁聖皇帝前期築壇於

天壇之東設

寶座於壇上設鹵簿大駕於壇前屆期

太宗文皇帝率貝勒以下文武百官出德盛門詣

天壇祇告

天

地禮成文武各官奉

御寶先至

天壇之東導引官二人恭導

太宗文皇帝由中階陞壇

御寶座貝勒大臣等行三跪九叩禮畢皆跪和碩貝勒
等奉

御寶跪獻

太宗文皇帝受寶授內院官羣臣復行三跪九叩禮畢
皆跪宣讀官奉滿洲蒙古漢字三體表文立於
壇東以次宣讀羣臣復行三跪九叩禮畢復位

乃列儀仗奏樂

還宮次日行慶賀禮

太宗文皇帝御殿樂作貝勒大臣率滿洲各官行三跪九叩禮畢奉表跪進侍臣接至

御前跪宣羣臣復行三跪九叩禮畢退次外藩貝勒大臣進表行禮次漢官進表行禮均如前儀次執事各官行三跪九叩禮畢

賜貝勒羣臣等燕是日頒

詔大赦○崇德八年八月

世祖章皇帝嗣

皇帝位前期遣官祇告

郊壇

宗廟是日王公百官朝服齊集

篤恭殿前

世祖章皇帝乘輿由左翊門出羣臣跪迎

世祖章皇帝御寶座王以下文武百官行三跪九叩禮

次外藩王以下官屬行三跪九叩禮畢衆復跪

乃頒

恩詔大學士詣案前奉

詔書至丹陛上立宣畢復行三跪九叩禮復位

世祖章皇帝乘輿還宮王公百官跪送是日不設鹵簿

不作樂不設燕○順治元年五月

世祖章皇帝定鼎燕京祇告

天

地受朝賀前期太常寺官掃除壇壝司設監設
寶座於

郊壇之東南嚮設

寶案於

座前是日遣官祇告

太廟

社稷鹵簿大駕全設

世祖章皇帝御祭服由

大清門出

親詣

南郊祇告

天

地行禮畢內院大學士跪奏禮成禮部堂官恭導至

天壇之東

御幄次更禮服

御寶座王以下文武百官皆跪禮部堂官引大學士一

人由東階升正中北面跪學士一人自案上奉
寶授大學士大學士奉寶致辭云

皇帝君臨萬國諸王文武羣臣不勝歡忭奏畢以

寶授學士學士跪接陳案上退復位羣臣行三跪九
叩禮畢

駕還宮是日鴻臚寺設

御座於皇極門

今名太和門

正中設表案於檐東諸王貝勒

貝子公序立於內金水橋之北文武各官序立

於橋南均東西面樂作

世祖章皇帝御寶座樂止鳴鞭內大臣侍衛內院禮部
都察院鴻臚寺執事各官先於階上行三跪九
叩禮畢各就執事位王公文武百官跪進表內
院大學士奉王等所進表跪設案上鳴贊官贊
宣表宣表官詣案前奉表大學士二人跪展表
宣表官跪宣畢仍設案上行三叩禮復位羣臣
行三跪九叩禮畢鳴鞭

駕還宮越九日頒

詔天下○順治十八年正月

聖祖仁皇帝嗣

皇帝位分遣官祇告

天

地

太廟

社稷

聖祖仁皇帝衰服詣

世祖章皇帝几筵前行三跪九拜禮祇告受

命詣側殿更禮服乃詣

聖祖母太皇太后宮行三跪九拜禮次詣

聖母仁憲皇太后宮

聖母慈和皇太后宮各行三跪九拜禮先

御中和殿內大臣侍衛內院禮部都察院執事各官行

禮乃

御太和殿即

皇帝位王公百官上表行禮不宣表不作樂

賜茶不設燕

駕還宮反喪服就苫次是日頒

詔天下○康熙六十一年十一月

世宗憲皇帝嗣

皇帝位禮儀與順治十八年同惟免

賜茶○是日內監下

乾清宮簾鑾儀衛於

乾清宮丹陛中設金輿奏請

世宗憲皇帝乘輿由

乾清門中門出奉

旨乾清宮雖下簾朕何忍於

皇考前乘輿出中門朕從乾清門左旁門出外乘輿心中始安欽此○雍正十三年九月

皇帝登極先期禮部遵照康熙六十一年禮儀具奏

奉

旨是停止宣表免賜茶此奏內稱奉輿於乾清門正

中今

皇考梓宮見安奉乾清宮朕曷敢於乾清門正中乘輿
著安輿於左旁欽此

尊崇

一恭上

太皇太后

皇太后

尊號

徽號之禮崇德八年

世祖章皇帝嗣位尊

母后皇后為

皇太后

聖母為

皇太后○順治八年

世祖章皇帝躬親大政恭上

聖母皇太后徽號曰

昭聖慈壽皇太后前期一日

世祖章皇帝禮服

御中和殿北嚮閱奏書畢詣

昭聖慈壽皇太后宮恭上奏書屆期

世祖章皇帝禮服

御太和殿閱

冊寶畢率王公百官詣

昭聖慈壽皇太后宮恭上

冊寶禮成次日

世祖章皇帝御太和殿王公百官進表行慶賀禮頒

詔布告天下○是年八月

世祖章皇帝大婚禮成加上

昭聖慈壽皇太后徽號曰

昭聖慈壽恭簡皇太后○十一年

世祖章皇帝大婚禮成加上

昭聖慈壽恭簡皇太后徽號曰

昭聖慈壽恭簡安懿皇太后○十三年

冊封

皇貴妃加上

昭聖慈壽恭簡安懿皇太后徽號曰

昭聖慈壽恭簡安懿章慶皇太后以上典禮均與順治

八年同○十八年

聖祖仁皇帝嗣位尊

聖祖母皇太后為

太皇太后尊

母后皇后為

皇太后

聖母為

皇太后○康熙元年恭加上

聖祖母太皇太后徽號曰

昭聖慈壽恭簡安懿章慶敦惠太皇太后恭上

母后皇太后徽號曰

仁憲皇太后恭上

聖母皇太后徽號曰

慈和皇太后時以諒陰不朝賀前期分遣官祇告

天

地

太廟

社稷次日進表頒

詔天下均如儀○四年

聖祖仁皇帝大婚禮成加上

昭聖慈壽恭簡安懿章慶敦惠太皇太后徽號曰

昭聖慈壽恭簡安懿章慶敦惠溫莊太皇太后加上

仁憲皇太后徽號曰

仁憲恪順皇太后先期一日同上

太皇太后

皇太后奏書大學士二人奉

太皇太后奏書陳設於

中和殿黃案正中奉

皇太后奏書陳設於東旁稍後

聖祖仁皇帝禮服御

中和殿北嚮閱奏書畢大學士二人奉奏書前行
聖祖仁皇帝乘輿從豫設黃案一於

隆宗門外

仁憲皇太后奏書暫陳於黃案少俟先詣

太皇太后宮恭上奏書禮成次詣

仁憲皇太后宮恭上奏書均行禮如儀屆期陳

冊

寶於

太和殿黃案上如陳奏書儀設

太皇太后冊寶龍亭於

太和殿正中設

仁憲皇太后冊寶龍亭於東稍後

聖祖仁皇帝御太和殿閱

冊寶畢奉冊寶官奉安亭內鑾儀校舁亭前行

聖祖仁皇帝乘輿從

仁憲皇太后冊寶龍亭於

隆宗門外少竢先詣

太皇太后宮恭上

冊寶禮成次詣

仁憲皇太后宮恭上

冊寶王公百官咸朝服隨行禮如儀○六年

聖祖仁皇帝躬親大政加上

昭聖慈壽恭簡安懿章慶敦惠溫莊太皇太后徽號曰
昭聖慈壽恭簡安懿章慶敦惠溫莊康和太皇太后加

上

仁憲恪順皇太后徽號曰

仁憲恪順誠惠皇太后○十五年

冊立

皇太子加上

昭聖慈壽恭簡安懿章慶敦惠溫壯康和太皇太后徽

號曰

昭聖慈壽恭簡安懿章慶敦惠溫壯康和仁宣太皇太

后加上

仁憲恪順誠惠皇太后徽號曰

仁憲恪順誠惠純淑皇太后○二十年滇黔蕩平加上
昭聖慈壽恭簡安懿章慶敦惠溫莊康和仁宣太皇太
后徽號曰

昭聖慈壽恭簡安懿章慶敦惠溫莊康和仁宣弘靖太
皇太后加上

仁憲恪順誠惠純淑皇太后徽號曰

仁憲恪順誠惠純淑端禧皇太后以上典禮均與康熙

四年同○六十一年

世宗憲皇帝嗣位尊

聖母為

皇太后恭上

徽號曰

仁壽皇太后○雍正十三年

皇帝嗣位尊

聖母為

皇太后恭上徽號曰

崇慶皇太后前期遣官祇告

天

地

太廟

社稷次日頒

詔布告天下不行朝賀禮均與康熙元年同○乾隆二

年

冊立

皇后加上

崇慶皇太后徽號曰

崇慶慈宣皇太后○十四年

冊立

攝六宮事皇貴妃是年金川平定加上

崇慶慈宣皇太后徽號曰

崇慶慈宣康惠皇太后禮部奏四月初六日

冊封

攝六宮事皇貴妃次日應

御殿受賀又廷臣奏金川平定請

皇上御殿受賀奉

旨統於恭上

皇太后徽號次日舉行○是日

皇帝率王公百官先詣

皇太后宮行禮畢

御殿受賀頌

詔天下○又奏準恭遇加上

皇太后徽號並

冊封

攝六宮事皇貴妃

貴妃

妃

嬪諸典禮自四月初五日始至初九日王公百官

入

內奏對及公所辦事咸蟒袍補服○十五年

冊立

攝六宮事皇貴妃為

皇后加上

崇慶慈宣康惠皇太后徽號曰

崇慶慈宣康惠敦和皇太后○十六年

聖母皇太后六十萬壽加上

崇慶慈宣康惠敦和皇太后徽號曰

崇慶慈宣康惠敦和裕壽皇太后以上典禮均與順治

八年同○二十年平定準噶爾恭上

崇慶慈宣康惠敦和裕壽皇太后徽號曰

崇慶慈宣康惠敦和裕壽純禧皇太后典禮與乾隆十

六年同

欽定大清會典則例卷五十七

欽定四庫全書

欽定大清會典則例卷五十八

禮部

儀制清吏司

冊立

一

冊立

皇后之禮崇德元年

孝端文皇后以適妃正位

中宮行

冊立禮是日設黃幄於

清寧宮前設黃案於幄內王公百官朝服序立

崇政殿前

太宗文皇帝御殿閱冊寶

命正副使持

節至

清寧宮宣讀

冊文行

冊立禮禮成正副使持

節還至

崇政殿復

命

孝端文皇后率公主福晉命婦於

太宗文皇帝前行六肅三跪三拜禮諸

妃率公主福晉命婦於

孝端文皇后前行六肅三跪三叩禮

太宗文皇帝御殿諸王率滿洲官上清字表文蒙古諸
王率蒙古官上蒙古字表文漢官上漢字表文
次第宣讀各行慶賀禮乃

賜王公百官燕如儀

順治八年十一月康熙四年
冊立 皇后詳見

大婚則例

○康熙十六年

孝昭仁皇后正位

中宮行

冊立禮同日

孝懿仁皇后肇封

貴妃又

冊封

安嬪

敬嬪

端嬪

榮嬪

惠嬪

宜嬪

僖嬪前期分遣官祇告

天

地

太廟後殿

聖祖仁皇帝親詣

奉先殿以

冊立告設

節案於

太和殿正中設

孝昭仁皇后冊寶案於左右稍前次設

貴妃冊寶案

嬪冊案於左右

聖祖仁皇帝禮服御太和殿

閱冊寶王公百官咸朝服按翼序立乃宣

制

命正副使持

節行

冊立禮正副使至

景運門內監接奉

節

冊寶入宮

孝昭仁皇后受

冊寶行禮如儀

貴妃

嬪各

冊封禮畢內監出至

景運門以

節授正副使正副使還至後左門復

命

聖祖仁皇帝率羣臣詣

太皇太后宮

仁憲皇太后宮行禮翼日

孝昭仁皇后禮服詣

太皇太后

仁憲皇太后

聖祖仁皇帝前行禮各如儀是日

命公主福晉命婦免隨行禮越三日

聖祖仁皇帝御太和殿王公百官上表慶賀如常儀是

日免公主福晉命婦詣

孝昭仁皇后宮行禮○二十八年

孝懿仁皇后正位

中宮行

冊立禮○雍正元年

孝敬憲皇后以適妃正位

中宮行

冊立禮同日

崇慶慈宣康惠敦和裕壽純禧皇太后肇封

熹妃又

冊封

貴妃

齊妃

懋嬪

裕嬪典禮與康熙十六年同惟慶賀禮奉

旨俟三年後補行○三年補行

冊立

孝敬憲皇后慶賀典禮

世宗憲皇帝御太和殿王公百官上表行禮畢

御乾清宮

孝敬憲皇后率

妃

嬪於

世宗憲皇帝前行禮

孝敬憲皇后還宮

妃

嬪率公主福晉命婦於

孝敬憲皇后前行慶賀禮均如儀○乾隆元年

孝賢皇后以適妃正位

中宮同日

皇后肇封

嬪妃又

冊封

貴妃

純妃

嘉嬪典禮均與雍正元年同翼日

皇帝率羣臣詣

皇太后宮行禮

皇后率

貴妃

妃

嬪
詣

皇太后宮行禮

皇帝御殿王公百官上表慶賀頒

詔布告天下

孝賢皇后率

貴妃

妃

嬪詣

皇帝前行禮

貴妃

妃

嬪詣

皇后宮行禮公主福晉命婦於

皇后宮行慶賀禮畢詣

貴妃前行禮均如儀○十五年

攝六宮事皇貴妃正位

中宮行

冊立禮暨慶賀行禮均與乾隆二年同

尊封

一

尊封之禮順治九年

世祖章皇帝尊封

太宗文皇帝妃二位曰

皇考懿靜大貴妃

皇考康惠淑妃前期一日遣官祇告

太廟屆期設黃幄二於

昭聖慈壽皇太后宮前東西相嚮設

太妃座於幄內

大貴妃在東

淑妃在西設儀仗於丹墀內

大貴妃儀仗在東

淑妃儀仗在西內院

今內閣

官奉安

冊於采亭內鑾儀校舁亭內院禮部官前導至

太和殿內設

大貴妃

冊於東

淑妃

冊於西均北嚮

世祖章皇帝禮服御太和殿南面

閱冊畢鑾儀校昇亭

世祖章皇帝乘輿至

昭聖慈壽皇太后宮門外亭止大學士二人奉

冊

世祖章皇帝降輿至黃幄前以次上

冊行禮是日王公百官不齊集公主福晉以下大臣

命婦不行禮○十八年

聖祖仁皇帝尊封

太祖高皇帝妃為

皇祖壽康太妃前期一日遣官祇告

太廟是日內院禮部官奉

冊寶設黃案上舁送至

太妃宮門前交內監送入宮內

太妃受

冊寶訖內院禮部官各退○康熙十五年

尊封

世祖章皇帝妃四位曰

皇考恭靖妃

皇考淑惠妃

皇考端順妃

皇考寧慈妃典禮與順治十八年同。雍正二年

世宗憲皇帝尊封

聖祖仁皇帝妃四位嬪一位曰

皇考皇貴妃

皇考貴妃

皇考密妃

皇考定妃

皇考通嬪前期一日遣官祇告

太廟後殿

奉先殿是日於各本宮陳設儀仗采仗大學士禮部堂

官送

冊寶印至宮門前與順治十八年同○十三年

皇帝尊封

聖祖仁皇帝妃四位曰

皇祖壽祺皇貴太妃

皇祖溫惠貴太妃

皇祖順懿密太妃

皇祖純裕勤太妃前期一日遣官祇告

太廟後殿

奉先殿屆期

皇帝禮服御太和殿

閱冊寶印畢

親詣

寧壽宮行尊封禮時以

世宗憲皇帝服制不奏樂停止慶賀○乾隆元年尊封
聖祖仁皇帝嬪四位曰

皇祖襄嬪

皇祖熙嬪

皇祖謹嬪

皇祖靜嬪先期遣官祇告

太廟後殿

奉先殿是日陳設各采仗於

寧壽門外禮部堂官內閣學士送

冊至宮門前餘儀與順治十八年同。二年尊封

世宗憲皇帝妃二位曰

皇考貴妃

皇考謙妃是日各陳設儀仗采仗於

本宮前餘儀與雍正二年同。八年尊封

皇祖溫惠貴太妃為

皇祖溫惠皇貴太妃典禮均與雍正十三年同

冊封一

一

冊封

皇貴妃

貴妃

妃

嬪之禮崇德元年

孝莊文皇后肇封

欽定四庫全書

欽定大清會典則例
卷五十八

十六

西永福宮莊妃及

冊封東關雎宮宸妃

西麟趾宮貴妃

東衍慶宮淑妃是日設黃幄於

清寧宮前設黃案於幄內

太宗文皇帝御崇政殿閱冊寶宣

制

命正副使持

節至

清寧宮行

冊封禮成

妃等率公主福晉以下及大臣命婦於

太宗文皇帝前行六肅三跪三叩禮又於

孝端文皇后前行六肅三跪三叩禮次公主福晉大臣

命婦於

妃前各行四肅二跪二叩禮各如儀○順治十三

年

冊封

皇貴妃前期一日遣官祇告

太廟時

世祖章皇帝駕幸南苑於

行宮正殿

閱冊寶

命正副使持

節至

隆宗門轉交內監奉

節及

冊寶入宮

皇貴妃受

冊寶行禮均如儀內監傳告禮成以

節授正副使正副使持

節復

命翼日以

冊封禮成頒

詔天下○康熙十六年

孝昭仁皇后正位中宮同日

孝懿仁皇后肇封

貴妃又

冊封

安嬪

敬嬪

端嬪

榮嬪

惠嬪

宜嬪

僖嬪前期禮部工部製

貴妃

冊寶

妃

冊印

嬪

冊因

冊立中宮

御太和殿閱冊寶宣

制

命大學士尚書侍郎內閣學士充正副使持

節以次隨

冊立中宮正副使行至

景運門轉交內監奉入行禮如儀禮成內監出

景運門各以

節授正副使復

命

貴妃

諸嬪隨

孝昭仁皇后詣

太皇太后宮

仁憲皇太后宮行禮畢

貴妃

諸嬪詣

聖祖仁皇帝前行禮次詣

孝昭仁皇后前行禮其公主福晉以下及大臣命婦奉
旨均免慶賀○十八年

孝恭仁皇后肇封

德嬪儀與十六年同○二十年

孝懿仁皇后以

貴妃晉封

皇貴妃

孝恭仁皇后以

德嬪晉封

德妃同日封

貴妃又

惠嬪封惠妃

宜嬪封宜妃

榮嬪封榮妃前期製

冊寶印遣官祇告

太廟後殿

奉先殿屆期大學士自

太和殿以

節授各正副使內閣官奉

冊寶印設各采亭內鑿儀校以次昇亭至

景運門轉交內監奉入行禮如儀是年停止慶賀

○三十九年

冊封

貴妃

和嬪

良嬪前期製

冊寶印遣官祇告

太廟後殿

奉先殿至期舉行典禮與二十年同○五十七年

冊封

宣妃

和妃

成妃

密嬪

定嬪

勤嬪前期製

冊印祇告

太廟後殿

奉先殿屆期典禮均與二十年同是日

諸嬪增給采仗視

妃儀仗內減紅段瑞草繖拂子各一對並

命補給

端嬪采仗○雍正元年

世宗憲皇帝

冊立中宮同日

崇慶慈宣康惠敦和裕壽純禧皇太后肇封

熹妃暨封

貴妃

齊妃

懋嬪

裕嬪典禮與康熙十六年同是日奏請陳設

貴妃儀仗公主福晉以下大臣命婦等行慶賀

皇后禮畢於

貴妃前行慶賀禮奉

旨貴妃前免行禮○十二年

冊封

謙嬪前期製

金冊屆期正副使由

太和殿持

節行

冊封禮成女官引

謙嬪詣

世宗憲皇帝前行六肅三跪三叩禮。乾隆二年

冊立中宮同日

皇后肇封

嫺妃暨封

貴妃

純妃

嘉嬪典禮與雍正元年同○六年

嘉嬪晉封

嘉妃同日

冊封

愉嬪

怡嬪

舒嬪先期遣官祇告

太廟後殿

奉先殿屆期行

冊封禮與康熙二十年禮同

冊封禮成

嘉妃

愉嬪

怡嬪

舒嬪詣

皇太后宮

皇帝

皇后前行禮均如儀○十年

貴妃晉封

皇貴妃

皇后以嫺妃晉封

貴妃

純妃晉封

貴妃

愉嬪晉封

愉妃暨

冊封

令嬪前期遣官祇告

太廟後殿

奉先殿屆期典禮與六年禮同

冊封禮成

皇貴妃

貴妃

愉妃

令嬪詣

皇太后宮

皇帝

皇后前行禮均如儀○十三年議準

皇貴妃

冊封大典福晉命婦等行禮已有成例惟

貴妃行禮外廷無案可稽但

皇貴妃攝六宮事不日即正位

中宮既已統理內政體制自宜尊崇

貴妃亦應一體行禮至

皇貴妃儀仗內車輿例用明黃帷金黃幃今請加

崇均用明黃其

冊封前期遣官祇告

太廟後殿

皇帝親詣

奉先殿祇告次日

皇貴妃朝於

皇太后宮時拜位設於甬路左並嗣後遇大節及慶賀

大典內外三品以上官於

皇貴妃前進箋慶賀○十四年

冊封

攝六宮事皇貴妃同日

嘉妃晉封

貴妃

令嬪

舒嬪晉封妃暨

冊封

婉嬪

皇帝禮服

御太和殿

閱冊寶印王公百官咸朝服侍班乃宣

制

命大學士禮部尚書侍郎內閣學士充正副使持

節行

冊封禮翼日應行慶賀及頒

詔典禮奉

旨統於恭上

皇太后徽號次日舉行又

諭禮部所進冊封皇貴妃攝六宮事及晉封貴妃儀注內稱公主福晉命婦皆詣皇貴妃貴妃宮行禮等語朕意初封即繫貴妃者公主福晉命婦自應行禮若由妃晉封者儀節較當酌減此一定之差等且今皇貴妃及嘉貴妃同日受封而公主福晉命婦行禮畧無分別則於儀制亦未允協嘉貴妃

前著照純貴妃之例不必行禮欽此○十六年

冊封

慶嬪

穎嬪禮儀與雍正十二年同

冊封禮成翼日女官引

慶嬪

穎嬪於

皇太后宮

皇帝

皇后前行禮均如儀○十九年

冊封

忻嬪一應典禮與十六年同

冊封二

一

冊封諸王貝勒貝子崇德元年定是日諸王貝勒及
文武各官均於

崇政殿前分翼序立內院官奉

制冊印設

殿內黃案上請

旨授封內院官引諸王貝勒依次進跪

殿前宣

制冊官及奉

制冊官於黃案東西面立次第宣

制冊畢奉

制冊印授諸王貝勒王等祇受轉授從官從官跪受
王等次第各復原位立

冊封禮成奉

制冊印官前引王等隨後進至

清寧宮前前引官分翼東西面立鳴贊官贊排班
贊進贊跪叩興王等於

皇帝前行三跪九叩禮

皇后前行三跪九叩禮畢前引官前行王等隨後由
大清門次第出諸王貝勒相賀按班次序立互行

二跪六叩禮畢各回府第諸王福晉貝勒夫人
等各於王貝勒前行慶賀禮畢王府屬官僚各
於本王前慶賀行二跪六叩禮貝勒府屬官各

於貝勒前慶賀行一跪三叩禮○又議準王以下將軍以上均由內院官具奏引至

崇政殿前行授封禮○順治九年題準諸王貝勒貝子公等受封謝

恩禮部具題於每月常朝日進

殿前行禮○十一年題準封親王世子給

金冊封郡王給鍍金銀

冊封貝勒以下皆給授

誥命○十四年題準親王郡王嗣封者傳至宗人府
禮部堂官授

冊寶該嗣王跪受貝勒以下奉恩將軍以上傳至宗
人府宗人府官頒給

誥命均跪受若年幼者就府第宣賜○十七年題準
凡封貝勒給紙

制冊○康熙十二年題準凡封親王世子郡王本部
準宗人府咨具題請

旨冊封開列官名奏請

欽點正副使前期一日由部設

節案香案

冊寶案於王殿堂上王府儀衛樂器陳於殿堂前至
期設

節案於

太和殿階上設

冊寶印采亭於階下引正副使自

太和殿持

節鑾儀校舁

冊寶采亭往封王府作樂王等率本府屬官跪迎於
府門外之右行受

冊寶禮畢正副使持

節復

命樂作王率本府屬官跪送於府門外封親王曰寶

郡王曰印貝勒有

制冊無印其行禮並同○又題準封貝子亦給紙

制冊○又題準封親王世子郡王遣內大臣散秩大臣為正使禮部侍郎內閣翰林院學士為副使
由部列名奏請

欽點差宣讀官同往宣讀

制冊寶印文封貝勒貝子遣內閣侍讀學士侍讀翰林院侍讀學士侍講學士侍讀侍講為正使禮部郎中員外郎主事為副使差宣讀官同往宣

讀

制冊文封鎮國公以下奉恩將軍以上由宗人府禮部給授

誥命○又定

冊誥文均由翰林院撰擬中書科繕寫

金銀冊由工部鑄造

一

冊封公主崇德元年定是日內院官奉

制冊設采亭內陳設

崇政殿請

旨授封持

節官前行次

冊亭次封使至公主府門公主率侍從等迎出儀門
之右行受

冊禮成封使持

節復

命公主送

節至儀門外是日諸王貝勒文武各官咸於

崇政殿前分翼序立

皇帝陞殿諸公主由右門至

崇政殿於

皇帝前行六肅三跪三叩禮次進

清寧宮於

皇后前行六肅三跪三叩禮次詣

諸妃前各行四肅二跪二叩禮公主各回府第各府屬官於本府公主前行慶賀禮○又議準凡封公主給紙

制冊○順治十一年題準封固倫公主和碩公主

同輩

者封長公主長一輩者封大長公主均給

金冊○康熙十二年題準封內外固倫公主和碩公主奏遣往封正副使及宣讀

制冊官均與封諸王例同

一

冊封王等福晉貝勒貝子夫人崇德元年定封王福
晉遣使授封與公主同○又定封王等福晉貝
勒夫人等均給紙

制冊○順治十一年題準封親王福晉世子福晉金
冊郡王福晉給鍍金銀

冊貝勒夫人以下均給授

誥命○十七年題準貝勒夫人亦給紙

制冊○康熙十二年題準封貝子夫人亦給紙

制冊○又題準凡封親王世子郡王福晉奏遣正副
使及宣讀官與親王世子郡王例同封貝勒貝
子夫人與封貝勒貝子例同鎮國公夫人以下
奉恩將軍恭人以上由宗人府禮部給授

誥命○三十九年奏準王福晉以下貝子夫人以上
及郡主縣主郡君未經受封者五年一次由部
彙題遣使往封


一封郡主縣主郡君順治十一年題準郡主縣主郡君授封禮儀均與公主同○又題準封郡主以下均給授

誥命○十七年題準封郡主縣主均給紙

制冊○康熙十二年題準封郡主縣主郡君奏遣正副使及宣讀

制冊官均與封貝勒貝子例同縣君鄉君由宗人府禮部給授

誥命



欽定大清會典則例卷五十八